



佛說清淨毗奈耶最上大乘經卷上門

同譯經天寶法師賜紫沙門 智吉祥 等奉 詔

如是我聞一時世尊在王舍城鷲峯山中與大比丘八千人俱諸大菩薩萬四千人欲界色界無數天子為聽法故皆悉雲集復有恭敬寂靜自在天子到於佛所放身光明歡喜踴躍合掌恭敬五體投地頂禮世尊右繞三匝却住一面長跪合掌而白佛言善哉世尊是妙吉祥童真菩薩於何國土教化衆生今此會衆俱生渴仰咸欲見聞彼大菩薩宣說清淨最上法要令各獲得平等解脫時佛世尊告語寂靜自在天子過此東方十千國土有佛世界名曰妙寶其國有佛號曰寶幢應正等覺出現於世以方便智安樂衆生是妙吉祥童真大士於彼佛國而為上首為諸菩薩及諸有情宣轉諸佛甚深法要隨上中下信等根力各得如來清淨法門爾時寂靜自在天子重白佛言惟願世尊以大慈悲眷念憐愍此會衆生令得了知童真大士在彼佛國所說之法

隨自根力有所證悟世尊告語寂靜天子彼妙吉祥所說諸法一切聲聞辟支佛等所有智慧皆不能及若說法時放大光明現希有相能使魔宮悉皆不現魔與魔民自然摧伏有輕慢者而能速滅種種慢心自能生起增上信樂未發正道菩提心者而能速發已發心者使令增長於諸善法堅固不退於諸衆生摧伏攝受平等利益無怨親相恭敬寂靜自在天子聞佛所說身意快然歡喜讚歎復作是言大悲世尊以何因緣令我等輩瞻奉恭敬童真大士親聞妙法于時世尊寂然無聲觀此會衆與彼菩薩根緣成熟即放眉間白毫光明遍照三千大千世界及照東方十千佛土於妙寶國寶幢佛會其光晃曜照彼佛刹隱暗幽谷無不等明彼國菩薩聲聞緣覺四衆八部同聲讚請寶幢如來今此國土現大光明是何因緣而有此相寶幢世尊告諸菩薩及大衆言過此西方十千國土有佛世界其名娑訶有大智仁號曰釋迦具一

切智一切種智六度四心隨機演法
 由昔所修勇猛精進願於彼國五濁
 世中出現成佛轉正法輪破諸邪見
 隨順五乘善說法要令各悟入諸佛
 知見勇猛精進圓會一乘譬如天雨
 無不等潤彼會時機寂靜天等咸欲
 見聞童真菩薩久懷渴仰心未暫捨
 如子思母如民思王如裸思衣如飢
 思膳如貧思寶如暗思明故彼世尊
 放大光明為利有情作諸聖行說是
 語已告妙吉祥童真菩薩應往彼國
 隨順如來廣開法要吹大法螺振大
 法鼓興大法雲雨大法雨利益安樂
 天人眾會爾時妙吉祥童真菩薩與
 自眷屬十千菩薩俱乘佛力即以神
 通於剎那頃到此娑訶釋迦佛所住
 於空中而不現形放種種光猶如雲
 蓋遍覆虛空其光之中垂布種種上
 妙寶香雨眾天花色妙無比光中化
 生天子天女作天妓樂歌頌供養釋
 迦世尊十方世界地皆震動踊出無
 量妙寶香花皆現在前莊嚴佛會其
 有眾生宿植善本久修梵行若於福

佛說清淨紫耶最上大乘經卷上 第四門中

慧分有修習則見自身在光明中與
 佛菩薩天人四眾同處法會身意泰
 然無諸怯弱其有眾生無信樂心不
 修善因輕拒賢善近惡知識貪嗔愛
 慢諂曲嫉妬常現在前雖同一國於
 佛境界冥然無知如昏醉人處夜暗
 中殊無醒覺於時寂靜自在天子與
 大眾俱見是光明希有之相咸生歡
 喜從坐而起復白佛言希有世尊今
 此國土以何因緣天兩妙寶垂眾香
 花作天妓樂現希有事佛告天子并
 諸大眾是妙吉祥童真菩薩與其眷
 屬十千菩薩從妙寶國而來至此雨
 天香花作天妓樂現神變相作供養
 事於時寂靜自在天子及諸大眾咸
 皆作禮俱唱是言聖者大慈願為我
 等於此佛會廣宣妙法令各發起最
 上乘心及為未來邪見眾生開闢正
 道斷煩惱縛得心自在作是語已童
 真菩薩與自眷屬諸菩薩眾從空而
 下繞佛三匝頂禮世尊退坐一面恭
 敬寂靜自在天子殷勤合掌頂禮問
 評仁者大士在彼佛國以何法要示

佛說清淨紫耶最上大乘經卷上 第五門中

導眾生令我等聞皆得清淨解脫安
 樂童真菩薩告天子言汝善讚問如
 是法要彼國眾生無諸慳慳樂修布
 施調伏諸根守護戒德由忍辱力真
 恚嫉妬常不現前晝夜精勤於善無
 懈能於法義審諦思惟愛樂寂靜智
 性聰慧所學易成善惡品中有力思
 擇貪嗔癡慢設復現前便能悔滅遠
 離邪見不斷善根行真實行習甚深
 法身心安住無顛倒想亦無彼此愛
 憎之心善男子彼國眾生久修善行
 於諸法義宿勤熏習了悟世間境相
 虛妄體性不實煩惱縛法難以拘礙
 去來見在唯是一心心若不生幻相
 何有善男子而此心性即是真心本
 來寂靜不生不滅無去無來猶若虛
 空湛然無動不被境相之所動搖於
 真實法漸次悟入於一切境及以如
 來言音色聲悉是空相實性義中無
 諸名字所以者何如來所修因地行
 願遠離虛妄名相分別安住真實無
 相理中但方便智隨順眾生根性差
 別稱彼物機說諸妙法如一味兩普

得所滋越煩惱河到菩提岸淨信天子汝修淨行當離虛妄於一切相而勿執著了諸深法本性虛妄清淨一心遠離業障是真佛子是真菩薩汝等天人菩薩眾會從久遠來根本趣求菩提果法應當先行施等諸行堅固無捨離諸顛倒虛妄分別漸次證得真實解脫

爾時恭敬寂靜自在天子復白妙吉祥童真菩薩言云何而修真實義諦妙吉祥童真菩薩言修真實諦具諸智慧當以上妙飲食湯藥種種供養心無退轉復修禪定觀智圓成常行是行不離觀想復勤修習深入佛慧天子汝可當學諸大比丘不作諸惡常住法界不生外想常住法界不隨愚夫常住法界行安樂法常住法界捨不安樂常住法界唯學佛法圓滿寂靜永斷輪迴了悟涅槃及以煩惱本性平等而得解脫是真比丘與諸菩薩等無差別常作觀想世間塵勞生死根本顛倒妄想皆是空何以故如來常說生死涅槃名字皆空譬

如陶器及諸寶器質異相同如空平等如是天子應當觀想一切有情煩惱深緣性本幻妄天子菩薩所修諸大乘行先須修習真實義諦若不修習聖真實諦則無有法化諸聲聞是故菩薩捨聲聞行行真實行雖修大乘捨而無著為於聲聞及諸有情說諸方便與善安樂令作正觀喜樂大乘真實義諦遠離輪迴常樂淨處天子是名菩薩令諸眾生及聲聞人修學菩薩真實聖行汝等應當如是修學菩薩正行常行恭敬於一切時心不散亂心常謙下不生高慢亦復不生諸餘深慧唯修觀想行善方便趣向善提此即是名菩薩真諦二乘空智無有悲念愛樂善提遠離流轉不還世間無善方便引導眾生於佛菩提心生怯弱妙吉祥菩薩復告恭敬寂靜自在天子汝諸天子設復輪迴為求佛法心未嘗懈由是功德眷屬無數自然富貴珍寶盈溢福德廣大如海無量所居宮殿嚴麗殊特飾以妙寶自在富樂汝為諦求無上菩提

一切捐捨不生愛樂如是天子菩薩摩訶薩修菩薩行捐捨財物及諸珍寶亦能捨於頭目髓腦行大慈悲諸波羅蜜悉皆修習如披甲冑有大勢力福智如海具足了知大乘功德化諸有情從於佛土至於佛土一切不遺得真實諦天子汝等諸天微妙上服所出異香遍布餘處有種種香以真實相學佛智慧於佛功德戒定慧香解脫知見種種之香等無有異此香能斷生死塵勞煩惱根本汝諸天子於往昔中以眾香花珍寶衣服書夜六時作諸供養正念思惟持諸淨戒百千俱那由他劫願力圓成聞說如來戒定慧等五種妙香欲盡煩惱自然感得身出妙香與佛菩薩等無有異爾時恭敬寂靜自在天子復白妙吉祥童真菩薩言寶幢如來國土之中諸聲聞眾有何所為修真實諦時妙吉祥童真菩薩告天子言彼諸聲聞由信重法乃至生滅不離於法而能出過四果四向非須施洎悉能出過一切惡趣非斯施舍而能往

來教化衆生非阿那含知一切法無去無來非阿羅漢亦能受於三千大千一切供養及非獨覺佛所說法悉皆能持不離於貪而無貪縛不離於嗔不為嗔縛不離於癡而無癡縛不離於斷煩惱離諸暗障不離塵勞動行精進誘進衆生不計我人令修正念遠離身心出生神足五根曉了摧一切法五方現前趣於彼岸住深禪定於法界中智慧明了遠離無明漸證解脫而以肉眼觀諸佛國而作佛事復以天眼見諸衆生輪迴生死又以慧眼觀衆生心本具真實復以法眼見一切法本性平等復以天耳遙聞一切諸佛說法悉皆了知復聞百千俱脤衆生覺觀之聲知心善惡以神通力遊諸國土無不周遍雖復往來若身若心安住法界決定修學或現其形無羸色相具功德力種種莊嚴威德光明名稱顯著由戒定慧之所薰修於諸世間一切煩惱無所染著於佛言教辯才博聞以智慧明破諸黑暗得陀羅尼觀諸聲聞及辟支佛唯

佛說清淨毗奈耶最上大乘經卷上 第十張 門十五

佛智慧無有窮盡何以故如來功德由如大海正念定慧喻若須彌於三摩地勤行忍辱降伏諸魔摧破外道得善安樂諸法之王心得自在亦如虛空遍入一切非所能喻天子當知彼寶幢佛所諸聲聞衆觀想思惟如是具足說是語時而此會中五百比丘五百優婆塞五千天子聞妙吉祥童真菩薩說是語已作諸供養供養世尊及諸菩薩復白佛言我等今者皆願求生寶幢佛國如彼聲聞達諸法義於時世尊告諸大衆汝等當發無上道心不忻小果求大菩提方能得生寶幢佛國時比丘等聞是語時皆發阿耨多羅三藐三菩提心由是如來而為授記汝等當來決定往生彼佛國土

佛說清淨毗奈耶最上大乘經卷上

佛說清淨毗奈耶最上大乘經卷上
校勘記

一 底本，金藏廣勝寺本。本經原有三卷，存卷上、卷中，卷下缺佚。無校。



佛說清淨毗奈耶最上大乘經卷中門

同譯經西天寶法大師賜紫沙門釋尊等奉詔

幽時恭敬寂靜自在天子復白妙吉祥童真菩薩毗奈耶法有其幾種使諸衆生云何修習漸次證入諸佛智慧唯願大慈爲我等輩宣說清淨解脫法門時妙吉祥童真菩薩告天子言我聞寶幢如來所說毗奈耶法本性平等體無有異由佛如來隨順衆生根性頓漸方便開示禁禦有情假立多種所謂法界無邊衆生無邊戒亦無邊衆生無始慣習熏修於情非情迷惑顛倒於違順境起憎愛心妄結業因自沈流轉故佛世尊隨宜開導戒律因緣稱彼物機各生意樂譬如清淨摩尼寶珠應順人心現種種物各得隨時濟自所乏此毗奈耶亦復如是隨諸衆生之所受持見在未來得如意報又如世間海水深廣於諸川澤無不含容一切有情一切珠寶依之而住此毗奈耶亦復如是隨諸衆生樂欲差別故分諸乘受持有異任其種性各得所依功德珍寶皆

佛說清淨毗奈耶最上大乘經卷中門

悉具足故毗奈耶是諸衆生一切善法依止住處世尊大慈平等利益觀諸衆生猶如一子爲人天性說三歸五戒如乘小筏得渡溝河近達彼岸人天乘此善戒功力超越三塗煩惱業水爲聲聞人受毗奈耶是趣大乘基址聖道隨心說戒戒無差別逐境論心戒成無量爲聖性人略說二種毗奈耶法謂即聲聞及與菩薩是二種戒力用不同故成別異聲聞所行唯專自行不務利他見苦有情心無悲愍不生救護菩薩修習損己益物於自身命眷屬財寶爲守淨戒無少恠惜不憚寒暄積集善利究親相對歡喜普滋不作順違慈心攝受又聲聞人厭畏生死求自涅槃知苦斷集證滅修道遠離情鬧愛樂空寂菩薩用心不怖生死不住涅槃願於惡時安立正道又聲聞人於魔魔民唯求捨離不樂任持菩薩勝行見諸極惡邪行有情方便調伏軟言攝受令捨邪道爲自眷屬又諸聲聞於所受持毗奈耶法猶如世間陶石之器或有

破壞不能復完如多羅無心不復生
長針鼻折缺匪堪重用入斷其頭無
能還活菩薩戒法體性如金成其實
器設有所損性有堪任體本金故還
復成用又聲聞人雖以堅持作無作
戒而於十力四無所畏未有所證唯
菩薩人漸次修習如來福慧汝善男
子諸聲聞人於菩薩法不得自在身
為相累心被境縛由持淨戒定慧見
前自乘聖因雖皆成就於究竟道最
上菩提而未證得與諸菩薩所有戒
定智慧勝力功德道品不可為比說
是語已爾時世尊讚歎妙吉祥童真
菩薩善哉善哉汝善學佛宣說聲聞
菩薩所有清淨毗柰耶法令諸衆生
隨自根心各有修證善男子此毗柰
耶功德甚深不可思議我今為汝及
諸大衆重略宣說清淨最上秘密尸
羅令各了知持犯名相漸次證入諸
佛智慧汝善男子天人衆會慇懃恭
敬諦聽思惟此清淨法三世諸佛之
所尊重三世菩薩之所隨學諸佛菩
薩所有微妙福德智慧皆從此生若

但聞名少時信受亦獲十種殊勝功
德一者智慧具足二者依佛隨學三
者深信大乘四者善願堅固五者心
不散亂六者遠離惡報七者常遇善
緣八者心無纏染九者三昧現前十
者得成佛道暫修少善獲果尚多何
況長時心無退捨善男子此清淨法
衆聖源流諸佛根本喻如大海水無
邊際大身衆生歡喜愛樂長時遊戲
心無厭足菩薩所行毗柰耶法體性
深廣用無邊際功無限量菩薩愛樂
終無厭捨世間所有陂池之水有情
在中雖以為樂水本淺近不久枯涸
大身衆生甚不樂住其有細流漸入
大海咸同一味聲聞所持毗柰耶法
非菩薩人之所愛樂亦復能為佛果
正因名相有殊體實無異于時會中
一萬二千諸天子衆聞佛世尊方便
譬喻種種讚歎微妙甚深毗柰耶法
皆各發起阿耨多羅三藐三菩提心
頂禮世尊俱唱是言我等今者皆願
當學摩訶薩埵根本聖因教化衆生
令各調伏根識清淨漸次修行至如

來地爾時世尊告天子言汝等往昔
已曾親近供養諸佛於菩薩乘久植
善本欲學最上清淨毗尼必得成就
應當發起精進勇猛堅固道心不被
煩惱之所纏縛五欲幻相深生厭捨
了知貪愛生死苦源覺悟無明輪迴
根本密護諸根堅意不犯初中後夜
正念現前邪見妄心不能迷亂我人
衆生及與壽命自性本空五陰六塵
和合聚散尋伺覺觀分別緣生而無
實體如是天子應當了知過現未來
世出世間一切諸法本性平等猶若
虛空究竟寂靜
爾時恭敬寂靜自在天子白佛言世
尊今此會中是妙吉祥童真菩薩善
能宣說一切法要令諸衆生各有開
解於最上乘毗柰耶法漸次修學方
便悟入我今復欲問彼菩薩如來所
有因地行願平等清淨解脫法門唯
願世尊慈悲憐愍聽我諮問摩訶衍
曩最上法義使我等輩及於未來一
切衆生戒見具足不墮邪命爾時世
尊讚歎寂靜自在天子言善哉善哉

能以方便利樂衆生今正是時宜應請問于時天子承佛威力歡喜踴躍詣妙吉祥大菩薩前嚴整衣冠威儀具足五輪踞地慇懃作禮禮已讚言仁者大士我今諮問如來所有諸法之要以何爲門令諸衆生入如來家得正覺道唯願慈悲爲我等輩開示演說于時菩薩在大衆中身放光明容貌怡悅端正殊妙威德特尊振大雷音作師子吼告天子言如汝所問諦聽思惟世尊大慈正遍知者證知我今爲汝略說善男子一切衆生從本已來迷惑顛倒不覺正因增長我人妄構生滅由貪嗔癡爲生滅體如繩縛物無有自在永繫三界遠無出期深處塵勞不得清淨故於法門無所悟入善男子一切諸法本性平等無有高下愛憎之相無別法性成多衆生非多衆生有別法性故衆生法即如來法故衆生性即如來性能如是知能如是信於諸法性不生疑謗以此爲門入如來家得正覺道名眞佛子精勤修習植衆善本漸次除斷

煩惱蓋纏初中後夜心常醒覺密護根門無令放逸識生滅相了知我法名義俱空假合幻緣不能迷動如是修習是諸菩薩眞實平等解脫法門善男子一切衆生顛倒既久煩惱愈增失於如來律儀淨戒四攝六度無以見前於眞實法不深愛樂自興異見邪妄推度朋黨惡人憍慢懈怠恣情縱意橫構業緣植流轉根造生死本因果不斷惑苦相續念念交遷無得安隱不覺自身諸根四大假和合成藉因緣有因緣勢在假名呼召住世時分猶如幻人來往動轉緣勢力盡四大散滅身相歸空當知住世色力眷屬如夢所見名體非實是名衆生虛妄顛倒入生死門善男子一切衆生從無始來慣習慳吝於自內身不行惠捨唯深耽深晝夜愛著俄爾無常不復暫住如寄舍人屋宇敗壞別寄他舍色身敗壞心識隨緣異趣寄生惟留殘軀空成濃血何可愛著復於外財金帛錢寶計念鄙惜無片捨心不知此物本性聚散流轉世間

妄恃豪富速待長年不續善因恣情娛樂福緣殆盡水火風災劫掠時至財物耗散眷屬別離見受餘殃後沉惡道因果感應永處貧乏由內外物不行布施於七聖財無復能得諸大菩薩於自內身眷屬財寶無所吝惜見有求者如法施與是名菩薩布施法門善男子一切衆生從無始來隨逐魔道不護諸根縱貪嗔癡違越梵行於三寶所無敬信心不樂律儀唯行放逸喜然衆生習不與取好處汗行言不眞實飲取非食嘗無厭足聲聞緣覺菩薩大人作無作戒曾不親近人天善法亦不修習來往三塗無有間斷諸大菩薩於佛所說毗奈耶法清淨禁戒乃至無有如毛頭許而不信受是名菩薩淨戒法門善男子衆生無始惑於法性於無我處妄執我人嗔恚見行相續嫉妬常懷諍訟損惱有情遇苦違緣復加逆害諸大菩薩於我及所了知爲空設遇冤家欲相謀害以憐愍心歡喜隨順不生加報是名菩薩忍辱法門善男子一

佛說清淨法華經卷中

第九品 四正斷

切衆生從本已來身心懈怠著諸垢穢退失善法五欲醉亂常無醒覺親近惡友違善知識於諸如來一百四十不共功德清淨法門不能隨學於諸菩薩自利利他饒益行門亦不了知於辟支迦十二因緣順逆觀行不能明解於聲聞人四聖諦法深淨因果無所趣入於人天乘世間善法無信向心唯積惡緣以增懈怠而諸菩薩由種性力心不怯弱人天二乘菩薩如來所有上行發勇猛心遍勤修習雖遭衆苦終無悔惱是名菩薩精進法門善男子一切衆生心意狂亂晝夜放逸種種覺觀於諸塵境念念隨逐若身若心曾不安息菩薩摩訶薩由修淨戒禁禦六根深入禪那身心寂靜是名菩薩禪定法門善男子一切衆生愚癡闇鈍多無知覺於佛所說三十七品四無量道慈心濟物與樂法門悲愍一切苦惱衆生拔苦法門其性柔和愛樂衆生喜悅法門遠離憎愛無冤親想平等法門身受心法四念安住無我法門修四正斷

佛說清淨法華經卷中

第十品 寶王

遠離障染清淨法門備四神足輕舉動轉運通法門具五善根增長功德出生法門五力圓具破諸魔冤摧伏法門七覺支分八聖道品淨功德門皆不曉了而諸菩薩具足修習福德智慧於修多羅毗奈耶法及阿毗曇悉能深解是名菩薩智慧法門尔時寂靜自在天子聞妙吉祥童真菩薩所說種種清淨法門發希有心堅固不捨以柔軟音復問菩薩仁者大士云何名爲法界性門菩薩答言善男子一切諸法有爲無爲體用周遍無所不攝名法界門又問法界以何爲界答天子言謂有情界及無情界爲一法界重復問言如是法界有邊際不菩薩告言汝意云何如虛空界有邊際不答言不也菩薩告言虛空無邊大地無邊衆生無邊法界無邊天子問言仁者大士此法界性可分別不菩薩答言法界性者不住於色不住於聲不即衆生不異衆生寂靜湛然遍一切處絕諸戲論法界之名本亦不有天子問言仁者大士具修幾

佛說清淨法華經卷中

第十一品 持名

緣有如是心辯才分別能說諸法童真菩薩告天子言汝見世間幽巖山谷有幾種心出諸音響而應外聲天子答言山谷無心猶外有聲相合生響菩薩告言我今亦尔我本無心分別諸法隨衆生性應緣所說天子問言仁者大士爲依何住速能成就阿耨多羅三藐三菩提童真菩薩答天子言菩薩修行住五種法無有間斷速能成就阿耨多羅三藐三菩提何等爲五謂菩薩摩訶薩最初發起大菩提心慇懃勇猛志求佛道於其中間不起一念聲聞緣覺下劣之心是一無間菩薩摩訶薩最初發心救濟衆生而於自體身支分眷屬財寶無所愛惜亦不能生暫時慳吝是二無間菩薩摩訶薩最初發起慈悲之心於諸衆生悉欲度脫其中未嘗少有懈廢是三無間菩薩摩訶薩最初發心修菩提行知一切法本無自性從緣而生從緣而滅決定信忍未嘗於中生諸異見是四無間菩薩摩訶薩始從初發大菩提心具正知見行

平等道遠離空有斷常之病馱有漏
法不著三界是五無間善男子菩薩
摩訶薩住五無間生精進心速得成
就阿耨多羅三藐三菩提法天子又
問仁者大士頗有凡夫衆生住五無
間亦能成就阿耨多羅三藐三菩提
耶菩薩荅言可得成就天子問言以
何因緣而得成就菩薩荅言於一切
法了知爲空無疑無謗作者受者俱
無自相如是修習故得成就阿耨多
羅三藐三菩提

佛說清淨毗奈耶最上大乘經卷中